

LE ME EMOZIOM

Quando me ciapa la nostalgia
me sento zo', e sero i òci,
e vago endrio en del temp,
pù endrìo che podo,
e me rivedo lì come en den sogno
tra quele face care,
tra quella zent che sento de amar ancora,
anzi con pù forza de alora.

Le sensaziom le è tante,
me sento emozionada!

Me par de riviver le giornade de alora.

E penso a tante robe che sta zent n'ha lassà,
che n'ha trames, che n'ha insegnà.

Penso ale fadighe che i ha provà,
a quella vita dura,

ma contenti de quel che gh'era
e gnanca i se acorzeva
de quel che ghe mancheva.

Sento i odori de 'na volta,
de polenta, de cafè de orz, de fem, de stala,
de erba apena taiada,
dela pulver dela strada.

E l'era lì che noi puteloti zughevem
col zercio, cola fionda, con 'na bala!

Le dònne de 'na volta, piene de amor,
le dònne de Teragnól!

Quant le ha struscià, escogità,
perché alla fim de la giornada
nessum dei soi podessa dir
"mama g'ho fam!".

Per vender la so' roba
e guadagnar qualcos,

le partiva bonora, prima che fessa dì,
con qualche of, qualche patata,
col raminel del lat o qualche manufat.

E fór per quel senter, quella strada,
sento el rumor dele foie seche
che se rote.

Sento quei passi strachi.

Le me emoziom l'è queste
e me le tegno care.

Le dònne de 'na volta, piene de amor,
le dònne de Teragnól.

